



Index Librorvm Prohibitorvm Alexandri VII

Alexander

Romae, 1667

Clemens Papa VIII. Ad perpetuam rei Memoriam.

[urn:nbn:de:hbz:466:1-81440](https://nbn-resolving.org/urn:nbn:de:hbz:466:1-81440)



CLEMENS PAPA VIII.

Ad perpetuam rei Memoriam.

Sacrosanctum Catholicae fidei depositum, sine qua Deo placere, aut
 eternam salutem consequi nemini licet, ut saluum in Ecclesia Dei per-
 petuo conservaretur, posterisque inuolutum traderetur, pastoralis Roma-
 norum Pontificum vigilantia, summo semper studio, & contentione labo-
 ravit. Ipsi enim à Christo Domino, huius tam pretiosi depositi auctore,
 & illud fideliter custodiendi, & bonum semen patris familias, ab inimici
 hominis zizanijs discernendi, & Ecclesiam saluari doctrina ædificandi,
 præcipuam curam, summamque potestatem, in beatissimo Petro Aposto-
 lorum Principe acceperunt. Quocirca sanctæ mem. Gelasius Primus, &
 Greg. IX, aliique complures Romani Pontifices, prædecessores nostri,
 zelo zelati pro domo Domini exercituum, ut hanc fidei Catholice do-
 ctrinæque integritatem, saluam, incorruptamque in Ecclesia Dei retine-
 rent, Apostolici animi magnitudine, pro muro domus Israël, aduersus
 eiusdem fidei hostes, se ipsos opposcentes, ne illorum dolis, & insidijs
 imprudentes, & simplices homines caperentur, lucem à tenebris, prava
 à rectis seiunxerunt, quæ sequenda, quæ cavenda essent, Christi fidelibus
 declararunt; probatos, laudabiles, orthodoxos Libros ab adulterinis, per-
 niciosis & apocryphis, singulari diligentia distinxerunt; postremo, Here-
 ticorum impia dogmata, & noxia, ac venenata scripta, Conciliorum De-
 cretis, Pontificijs Constitutionibus, aut alio opportuno censura genere
 condemnarunt. Sed cum nostris hisce calamitosi, & novissimis tempo-
 ribus, antiquus humani generis hostis, à sua malitia nunquam recedens, ad
 eandem Catholicam doctrinam, & veritatem labefactandam, pestiferas
 hereses, & detestabiles errores, aut novos conflasset, aut veteres ex inferis
 excitasset; sacra Tridentina Synodus, pestilentem noxiorum Librorum co-
 piam, quæ plus nimio excreverat, coercere, atque auferre cupiens; pri-
 mum quidem, doctissimos aliquot Viros delegit, qui de tota ea re cognos-
 cerent, & deliberarent; deinde verò cum ij in negotio non parum progressi
 essent, iustis de causis eadem Synodus permota, ad ipsam Apostolicam Se-
 dem, integram rem deferendam statuit. Itaque fel. rec. Pius Papa IV. præ-
 decessor noster, qui tunc ad Ecclesiæ gubernacula sedebat, Prælati quibus-
 dam doctrina, & prudentia præstantibus, adhibitis, Indicem Librorum Pro-
 hibitorum, & Regulas quasdam, per suas Litteras in forma Brevis, pro-
 mulgavit, & eiusmodi noxiorum Librorum detrimentis depellendis,
 opportunè providit. Ceterum, licet illa pro temporis ratione prudenter
 fuerint tunc constituta, tamen cum Sathane astutia, in huiusmodi Libro-
 rum

INDICES
 Librorum
 PROHIBITORII
 E. V.
 = 4.

rum editione, nova in dies mala crescerent (nam post illud tempus alij etiam Libri perniciosi partim conscripti atque editi, partim qui scripti erant, & antea delituerant, in medium prodire, quorum lectione simpliciores, & incauti homines, in errores induci facile poterant.) Propterea pia mem. Sixtus Papa V. prædecessor noster, multis illustratis, atque ad regulas adiectis necessarijs rebus, mandavit, ut nonnulli alij eiusdem generis Libri, eidem Indici adderentur. Verum cum idem Sixtus, re minimè absoluta, ab humanis excesserit: Nos animarum saluti quantum cum Domino possumus consulentes, quod iam pridem utiliter cœptum, & à multis diu desideratum erat, hoc tempore omnino perficiendum, atque in lucem edendum duximus. Venerabili igitur fratri nostro Marco Antonio Episcopo Prænestino de Columna, & dilectis filijs nostris, Augustino Sancti Marci de Verona, Simeoni Sanctæ Anastasiæ de Terranova, Hieronymo Sanctæ Mariæ super Minervam Asculano, Federico Sanctæ Mariæ Angelorum in thermis Borromæo, Francisco Sanctæ Mariæ Transpontinæ Toletano, titulum Presbyteris, necnon Ascanio Sanctæ Mariæ in Cosmedin de Columna Diacono, Cardinalibus, super huiusmodi Indice per Nos deputatis, alijsque pijs, & eruditis Viris in consilium adhibitis, ea omnia, ac singula, quæ à Sixto V. ut supra diximus, instituta erant, diligenter examinanda, commissimus: quæ cum magno studio visa, ac Deo favente, demum absoluta fuerint; Nos tam eandem Pij prædecessoris Constitutionem, & Indicem, ac Regulas, quorum omnium tenores haberi volumus pro expressis, quam hæc ipsa illis addita, prout inferius descripta sunt, omnia & singula, auctoritate Apostolica, tenore præsentium approbamus, & præsentis scripti patrociniò communimus, atque ab omnibus, tam Universitatibus, quam singularibus personis ubique locorum existentibus, sub eisdem pœnis, in dicta Pij Constitutione contentis, observari præcipimus, & mandamus. Quò autem facilius negotium, cum prohibitionis, tum expurgationis, & impressionis Librorum peragatur, eas omnes facultates, privilegia, & indulta, quæ recol. mem. Pius V. Magistro sacri Palatii primum, deinde Gregorius XIII. & Sixtus V. Cardinalibus Congregationis prædictæ concesserunt, quorum tenores hic volumus haberi pro expressis, confirmamus, & quatenus opus est innovamus, in his omnibus, quæ additis in hoc Indice non adversantur. Volumusque propterea, ac decernimus, ut si quæ in posterum dubitationes, aut controversiæ circa ipsum Indicem, illiusque Regulas, aliaque illis addita emerferint, ad Congregationem supradictorum Cardinalium, seu aliorum, qui pro tempore super Indice huiusmodi deputati fuerint, referantur, & ex sententia eorundem Cardinalium Nobis, aut successoribus nostris, si rei gravitas id postulaverit, consultis, declarentur, & decendantur. Quorum auctoritatem, cum permitendis, tum prohibendis, expurgandis, & imprimendis Libris, alijsque ad eam rem pertinentibus, explicandis, volumus esse præcipuam: atque ita mandamus ab omnibus venerabilibus fratribus nostris Patriarchis, Archiepiscopis, Episcopis, alijsque locorum Ordinarijs, & dilectis filijs Inquisitoribus, Universitatibus, Magistris, Doctoribus, Bibliopolis, Impressoribus, Mercatoribus, Gabellarijs, cæterisque omnibus cuiuscumque gradus, ordinis, aut dignitatis, tam Ecclesiasticis, sæcularibus, vel regularibus,

t. 2. quàm

quàm laicis, quocunque honore, vel dignitate præditis, inviolabiliter ob-
servari. Non obstantibus Apostolicis, ac in Vniversalibus, Provincialibus,
& Synodalibus Concilijs, Editis generalibus, vel specialibus Constitutio-
nibus, & Ordinationibus, ac quibuscunque Statutis, & Consuetudinibus, etiam
privilegijs quoque, indultis, & Literis Apostolicis, sub quibuscunque teno-
ribus, & formis in contrarium præmissorum concessis, confirmatis, appro-
batis, & innovatis. Quibus omnibus, & singulis, etiam si pro illorum suffi-
cienti derogatione de illis, eorumque totis tenoribus, specialis, specifica, &
ad verbum inserta mentio habenda esset, tenores huiusmodi præsentibus
pro expressis habentes, hac vice dumtaxat, specialiter, & expressè deroga-
mus, ceterisque contrariis quibuscunque. Decernentes earundem præsen-
tium exemplis, etiam impressis, Notarij publici manu subscriptis, & sigillo
Prælati alicuius Ecclesiastici obsignatis, eandem haberi fidem, quæ habe-
retur ipsis præsentibus, si forent exhibita, vel ostensa. *Dat. Tusculi, sub An-
nulo Piscatoris, Die decima septima Octobris, Millesimo quingentesimo
nonagesimo quinto, Pontificatus Nostri Anno Quarto.*

M. Vestrius Barbarus.



P R A E F A -